

**SERGEJ LAVROV:
Članovi Vijeća Sigurnosti UN nisu uvažili
naš zahtjev da odgodimo glasanje u Vijeću
Sigurnosti do našeg povratka iz Damaska**

Ministar vanjskih poslova Ruske Federacije Sergej Lavrov izjavio je u Bahreju gdje se nalazio u posjeti da članovi Vijeća Sigurnosti nisu uvažili zahtjev Rusije da se odgodi glasanje u Vijeću do njegovog povratka iz posjeta Damasku, nego su zahtijevali da se glasa o arapsko-zapadnoj rezoluciji.



Kakvu poruku Lavrov nosi predsjedniku Beššaru El-Esedu, nije htio otkriti

U razgovoru sa ministrom vanjskih poslova Bahrejna Šejhom Halid bin Ahmed bin Muhammedom Al Halifom je izjavio da je Rusija tražila odgodu glasanja u Vijeću Sigurnosti do njegovog povratka iz Damaska, ali su ostali članovi Vijeća Sigurnosti ignorirali zahtjev Moskve i požurili sa zauzimanjem stava na koga Moskva nije mogla pristati u kome očito nije poštivan njen zahtjev. Lavrov smatra da je njegova zemlja zauzela ispravan stav kod glasanja i nema namjeru od njega odstupiti. Rusija i dalje smatra da mora doći do prestanka neprijateljstva s obadvije strane, jer po Lavrovu u Siriji postoji pored oporbenih snaga i ekstremističke koje ne žele mirno rješenje nego se isključivo oslanjaju na poraz vladinih snaga pod bilo koju cijenu. On je istakao da u Savjetu Sigurnosti postoje snage koje isključivo podržavaju samo jednu stranu sukoba, a drugu smatraju jedinom odgovornom.



Naoružani član oporbe čuva protestni skup u Damasku

Na pitanje šta sadrži pismo koje nosi predsjedniku Beššaru u Damask, Lavrov je rekao da će pokazati onomu kome ga nosi.

Š.O.